

Thò Piq Da Jon 3 Jon Bàu Patô Adroi

Hiniq wa Bàu Xèm Da Sech:

Mangai lam hnài Bàu Lem i yàng 'bìq hnan đac khoi ca Tagop Hadròih ta Asi taiq i mòi q ngai wèq cwìang 'mèq, hiniq haq Đì-ô-trep. Haq khoi hnan đac mangai Tagop Hadròih ma khoi jùp ò ò mangai hnài da Jon.

Mangai Achìh wa Hanam Achìh:

Jon achìh thò cô hanam 90 Atìq C.

Bàu Anoi:

Jon achìh thò ca Gai-ut, mangai wèq cwìang ta Tagop Hadròih. Haq loq enh parông manoh haq wa manè haq. Jon hadai lech Đì-ô-trep taiq haq ngan bàu da Jon ùh loh cleq. Jò Jon lam hmàih òn, haq jah pariaq baxa haq.

Rìm 'Nat:

1. Bàu Chao: 1-2
2. Padèch Biac Broq Da Gai-ut: 3-8
3. Bàu Patùc ca Đì-ô-trep: 9-10
4. Bàu Parông ca Gai-ut: 11
5. Biac patiah da Đê-mê-triu: 12
6. Bàu Pulùch: 13-14

Bàu Bòch Hmàih

¹ Au Jon craq broq gàu,
Achìh thò cô ca Gaiut, mangai au loq waq ta bàu joq 'nàng.

2 Ôi mangai au ma loq waq, au waiq khàn ca ìh jah tadêh taton ta rìm biac, jah tadêh taton phàn chac, 'màng ca khi tadêh taton phàn mahua yiang. 3 Au òiq jaq bùi hnoq oh òaq trùh ta cô anoi hlài biac ìh i manoh wèq bàu joq 'nàng, wa 'màng leq ìh xôq lam tiaq bàu joq 'nàng aih. 4 Au ùh i can lem bùi leq yi hnao ca jah tàng òh con caiq rìh òi ta bàu joq 'nàng.

5 Ôi òaq au ma loq waq, ìh 'nàng wèq òh manoh ta rìm biac ìh jùp òh òh òaq bèn 'nhac ca wì haq mangai ùh canao enh hangai lam trùh. 6 Wì haq anoi hlài enh ngìa ca Tagop Hadròih loq can loq waq da ìh. Jò wì loh lam, tàng ìh jùp òh wì tajì òh enh ngìa ca Boc Plình, aih broq biac lem. 7 Ma jah 'màng aih nhò hiniq Chuaq Jêxu Crich wì haq loh lam ùh nhàn dahwèq cleq da wì jàn 'noi. 8 'Màng aih, bèn phai jùp òh 'bài mangai aih, waq ca bèn pajùm ca wì haq hadai broq biac ca bàu joq 'nàng.

9 Au khi achìh thò gòi ca Tagop Hadròih, mahaq Òi-ô-trep, mangai enh yòng broq gàu ca Tagop Hadròih, ùh nhàn yòc bàu nhèn. 10 'Màng aih, tàng au trùh èh, au anoi hlài biac 'mèq haq ma khi broq; haq capoch bàu ngang dù tajraq hlài ca bèn, èh ùh xài toq biac aih, mahaq haq ùh òh yòc oh òaq hòh. Tàng mangai leq enh òh yòc wì, haq ùh am, hì khi haq hnan cađac mangai aih loh enh Tagop Hadròih.

11 Ôi mangai au ma loq waq, apaq top dua biac dù, mahaq phai hóc tiaq biac lem. Mangai leq broq biac lem, haq con caiq Boc Plình. Mangai leq broq biac dù ùh lah hnoq Boc Plình. 12 Rìm

ngai anoi hlài Đê-mê-triu lem, ma jah 'màng aih haq broq tiaq troq ca bàu joq 'nàng. Nhèn hadai anoi hlài lem biac haq wa ìh loq bàu anoi hlài da nhèn, aih biac joq 'nàng.

Bàu hmàih Pulùch

¹³ Au ỏi i bàc enh achìh ca ìh, mahaq au ùh enh achìh xam jàiq wa xam mùc, ¹⁴ mahaq au ngèh enh renh trùh hmàih ìh, èh glàm mat jah capoch tùang ca dabau.

¹⁵ Waiq xìn biac catèm ỏi ti ìh! 'Bàì bua bèn bòch hmàih ìh. Xìn ìh bòch hmàih òìq ca bua tiaq 'mòi hiniq tang ngai.

Sech Hadròih
Sech Hadròih

copyright © 2020 Wycliffe Bible Translators, Inc.

Language: Hre

Contributor: Wycliffe Bible Translators, Inc.

Published: 2015 Nhà Xuất Bản Tôn Giáo

All rights reserved.

2020-11-17

PDF generated using Haiola and XeLaTeX on 22 Feb 2024 from source
files dated 29 Jan 2022

e5023a07-9831-5256-a315-1cae0f33043d